



Funded by the European Union

Projekat “Podrška Evropske unije konkurentnosti poljoprivrede i ruralnom razvoju u Bosni i Hercegovini” EU4AGRI

Poziv potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor za mjeru podrške investicijama u prerađivačke kapacitete i marketing poljoprivredno-prehrambenih proizvoda, juli 2020

Odgovori na postavljena pitanja u vezi javnog poziva koja su pristigla do 21. septembra 2020. godine na email adresu registry.ba@undp.org.



Redni broj	Datum prijema pitanja	Pitanje	Odgovor
1.	08.09.2020.	<p>Poštovani,</p> <p>Kao što smo naveli, značajan dio prihoda firma ostvaruje nabavkom sirove šljive i njenu preradu u suhu šljivu, čokoladiranu i smatramo da naša firma bi mogla aplicirati na ovaj poziv bez obzira na šifru podrazreda koju imamo.</p> <p>Ne bismo željeli propustiti ovaj poziv, pa vas ljubazno molimo za vaš povratan odgovor da li možemo aplicirati jer kao što smo naveli firma ostvaruje značajan prihod od prerade šljive.</p> <p>S poštovanjem.</p>	<p>Vezano za vaše dodatno pitanje od 06.09.2020. godine gdje navodite da je jedna od djelatnosti i sušenje i čokoladiranje šljive možemo reći da je to prihvatljiv sektor. Međutim, da bi vaša investicija bila prihvatljiva i opravdana MORA ISKLJUČIVO biti vezana za preradu šljive jer ostala poslovanja kao što su proizvodi od kikrikija, oblatne itd. nisu prihvatljivi sektori prema ovom javnom pozivu.</p> <p>U skladu sa poglavljem 4 korak 2 kontrola i ocjena poslovnog plana koja se sastoji od i) ocjene bazne godine: Ocjena bazne godine se vrši na osnovu dostavljenih zvaničnih finansijskih izvještaja ukoliko su sve poslovne aktivnosti prihvatljive, odnosno, odnose se na prihvatljive sektore prerade, a ukoliko poslovne aktivnosti podnosioca prijava obuhvataju i neprihvatljive poslovne aktivnosti po javnom pozivu, ocjena bazne godine se vrši na osnovu podataka prihvatljivih aktivnosti iz poslovnog plana. Investicija mora početi sa ocjenom bazne godine 2019. na osnovu izdvojenih rezultata poslovanja iz prihvatljivog sektora prerade. Kod vašeg slučaja vi ćete vršiti ocjenu bazne godine izključivo na razdvojene stavke bilans uspjeha i bilans stanja koje se odnose na preradu šljivu. Također poslovni plan ćete morati opravdati isključivo sa prihvatljivim aktivnostima iz prerade šljive u skladu sa uputstvom koji stoji u excel poslovnom planu red 18. Također projekcija prodanih količina prerađene šljive za pravdanje investicije mora biti realna i argumentovana sa dubljom analizom tržišta sa dokazima za siguran plasman planiranih količina prerađene šljive. Obzirom da se vaša investicija odnosi na solarne panele za proizvodnju struje koja se odnosi na sve vaše djelatnosti, time investicija nije opravdana, jer prerada šljiva je samo jedan segment vašeg poslovanja. Za investiciju vezanu za ugradnju opreme za proizvodnju električne enegrije iz obnovljivih izvora potrebno je dostaviti studiju ili projekat tehnološke izvodljivosti i ostale dozvole koje su propisane zakonom.</p>

2.	09.09. 2020.	<p>Dobar dan,</p> <p>To znači da mi koji imamo 20, 000 sadnica te ćemo nastaviti ulagati u naše voćnjake, nismo u mogućnosti dobiti nikakav poticaj ovim pozivom?</p> <p>Lp,</p>	<p>Ovaj javni poziv je namijenjen za potencijalne podnosiocima prijava na mjeru podrške investicijama u prerađivačke kapacitete i marketing poljoprivredno-prehrambenih proizvoda. Prema tački 2.7.2.1. javnog poziva nužno je da se podnosilac prijave bavi preradom voća i/ili povrća najmanje jednu punu fiskalnu godinu (2019) te posjeduje objekat i opremu za bavljenje preradom voća i/ili povrća. Ovo je eliminacijski kriterij. Pored ovog kriterija važno je da podnosilac prijave ispunjava i sve druge opće i posebne kriterije navedene u Smjernicama. Vaša djelatnost pripada primarnoj poljoprivrednoj proizvodnji koja nije predmetom ovog javnog poziva. Molimo vas da pratite naše buduće pozive, a okvirni raspored poziva potražite na našoj web stranici www.eu4agri.ba</p>
3.	09.09. 2020.	<p>Dobar dan poštovani,</p> <p>Možemo li vas ljubazno zamoliti za pojašnjenje uslova za aplikante na pozivu EU4Agri iz podsektora žitarica, da li se kriterijum od "minimalno 20 tona dnevni kapacitet prerade žitarica (prije investicije)" odnosi na nominalni/instalirani kapacitet postrojenja ili se pak odnosi na ostavreni kapacitet prerade žitarica aplikanta u predhodnoj 2019. godini.</p> <p>Naime, kapacite postrojenja za preradu žitarica (mlina) je svakako veći od 20 tona dnevno, ali u predhodnoj godini nije ostvaren takav dnevni rezultat, pa obzirom da se radi o jednom od eliminatornih uslova zaista bi nam bilo od značaja vaše pojašnjenje.</p> <p>Unaprijed hvala na odgovoru.</p>	<p>Prema pravilima Javnog poziva misli se na minimalno 20 tona ostvarenog dnevnog kapaciteta prerade žitarica. Dakle ne misli se na instalirani kapacitet nego na ostvareni kapacitete prerade žitarica od 20 tona dnevno u 2019. To se dokazuje kroz analitičke kartice odnosno količine prerađenih žitarica u poslovnom planu.</p>
4.	09.09. 2020.	<p>Poštovani,</p> <p>Da li su prihvatljivi troškovi nabavke repromaterijala za pakovanje?</p> <p>Folija, posude, kartoni za nove proizvode u sklopu projekta?</p> <p>Hvala.</p>	<p>Troškovi nabavke folija, posuda, kartona i ostalog materijala za pakiranje nisu na listi dozvoljenih investicija i kao takvi su neprihvatljivi. U skladu sa tačkom 2.8.2. javnog poziva neprihvatljivi troškovi su: Nabavka sirovina i poluproizvoda.</p>
5.	10.09. 2020.	<p>Poštovani,</p> <p>Imam nekoliko pitanja vezano za popunjavanje obrazaca za prijavu na projekat pa vas molim dodatna pojašnjenja:</p> <p>1. Podnositelj zahtjeva svu proizvodnju prodaje sestrinskoj tvrtci koja se bavi distribucijom. Obzirom da se u točki 7.</p>	<p>Da. Potrebno je u opisnom djelu poslovnog plana opišete način distribucije koji vrši sestrinska firma za Vašu firmu ako je ona ta koja vrši distribuciju Vaših proizvoda. Poželjno bi bilo također priložiti kakav dokaz o suradnji (pismo suradnje, ugovor, sporazum i cijena ako se naplaćuje sl.). U finansijskom dijelu poslovnog plana (Excel),</p>

		<p>Obrasca složenog poslovnog plana traži opis procesa distribucije proizvoda kupcima od proizvodne linije do potrošača, da li u našem slučaju trebamo opisati i način distribucije koji se odnosi na sestrinsku tvrtku obzirom da se tek tako može steći slika na koji način proizvodi dolaze do krajnjih potrošača?</p> <p>2. U listi potrebne dokumentacije koja se prilaže uz prijavu u dijelu</p> <p>3.1 pod točkama 24. i 25. traže se dvije izjave čiji izgled i sadržaj nije definiran, pa me zanima da li se one odnose na tvrtku kao podnositelja prijave ili odgovorno lice u tvrtki i tko ih treba ovjeriti?</p> <p>3. U tablica poslovnog plana nije svugdje predviđen isti raspon godina, a u nekima se spominje i 2018 godina pa vas molim za slijedeća pojašnjenja:</p> <ul style="list-style-type: none"> - Tablica 8.2 Ukupni prihodi navedena je 2018 godina kao prethodna, pa me zanima je li to greška ili tako treba biti obzirom da se u drugim tabelama kao prethodna godina tretira 2019. godina. - U tablicama 8.3, 8.5, 8.6, 8.7, 8.8, period za prikaz počinje tek od 2020 godine i nema predviđene kolone za 2019 godinu treba li tako biti obzirom da se u prethodnim tabelama tretira period od 2019 godine, nadalje <p>4. Ako prilikom predaje prijave zbog obimnosti dokumentacije nije tehnički moguće uvezati originalnu dokumentaciju u jednu knjigu, može li se predati uvezana u više dijelova jasno označenih?</p>	<p>troškove distribucije koje Vam čini vaša sestrinska firma morate prikazati u materijalnim i ne materijalnim troškovima.</p> <p>Izjave se odnose na podnositelja prijave, odnosno pravno lice, a odgovorno lice kompanije potpisuje izjave i ovjerava sa pečatom kompanije.</p> <ul style="list-style-type: none"> - Bazna ili početna godina je 2019. Znači vi ćete morati unijeti tražene podatke iz 2019. u skladu sa poglavljem 4 smjernica javnog poziva. Ukoliko u tabeli stoji 2018. godina onda je to greška. - U pomenutim tablicama (8.3, 8.5, 8.6, 8.7, 8.8.; bilans uspjeha, novčani tok), nije potrebno prikazati podatke iz bazne godine 2019. U bilansu stanja treba prikazati podatke iz bazne godine 2019., a ekonomski tok tabela će početi sa 2020. godinom. Tako je koncipiran format poslovnog plana u tim tabelama. <p>Da. Dozvoljeno je uvezati dokumentaciju u više dijelova i propisno je obilježiti. U tom slučaju potrebno je da na listi za provjeru dokumenata također koristite ista označavanja radi lakšeg praćenja. Elektronski sačuvani dokumenti također trebaju ispoštovati iste principe.</p>
6.	10.09. 2020.	<p>Poštovani,</p> <p>Molimo Vas pojašnjenje za stavku 26. (3.1) iz javnog poziva. "Potvrda iz registra klijenata". Na šta se ovo odnosi, gdje možemo izvaditi potvrdu i u kakvom obliku se ova potvrda dostavlja.</p> <p>Hvala i lijep pozdrav.</p>	<p>Potvrda iz registra klijenata se izdaje u općinama u entitetu FBiH ili u APIF-u u RS entitetu u odjeljenjima gdje se izdaju potvrde o registraciji poljoprivrednih gazinstva i klijentata. Potvrde o registru klijenata se izdaju prilikom apliciranja na podsticije koje dijele ministarstva poljoprivrede entiteta ili kantona. Potvrde se dobiju u u ktarkom roku kod pomenutih nadležnih institucija (općina ili APIF).</p>

7.	10.09. 2020.	<p>Poštovani, hvala Vama na Vašem zalaganju i trudu na pojašnjavanju poziva i detelja oko istoga. Mislimo da je format info sesije zadovoljavajući kao i sadržaj informacija imajući u obziru da je riječ o većoj grupi zainteresiranih kolega koji vjerovatno imaju vrlo različite nivoe znanja. Možda bi se moglo naglasiti veza između pojedinačnih prijava i ciljeva Javnog poziva, odnosno doprinosa pojedinačnih prijava ciljevima Javnog poziva (mislim na produktivnost i zapošljavanje). Pitanje: Zbog problema sa internetom, kolegica i ja nismo razumjeli jedan dio izlaganja oko amortizacije investicije i obrta (odnosno s.p.) i d.o.o. (privrednog društva). Šta obrt može a d.o.o. ne može? Prikazati cjelokupnu amortizaciju investicije u jednoj godini? Hvala unaprijed na pojašnjenju. Srdačan pozdrav</p>	<p>Obračun amortizacije je isti da li se radi o obrtu, SP ili d.o.o. ili da li se radi o prostom ili dvojnem knjigovodstvu. Bilo je govora da su pojedni podnosioci prijave npr, obrt koji vodi prosto knjigovodstvo uknjižili odloženo podršku i obrnuto. Bilo je govora kako se računa ostatak projekta, jer većina podnosioca prijava ne znaju uračunati ostatak na način da je jednak dio neamortizovane investicije nakon isteka vijeka projekta (= vrijednost investicije - suma amortizacije u toku vijeka projekta) i knjiži ga pogrešno.</p>
8.	10.09. 2020.	<p>Poštovani, Da li je poreska prijava za doprinose, za zaposlene prihvatljiv dokument za stavku "Lista osiguranih lica za obveznika ili poresko uvjerenje o zaposlenim izdato od nadležne Poreske uprave ne starije od dana objave ovog javnog poziva – original" ? Srdačan pozdrav,</p>	<p>Originalno uvjerenje mora biti izdato od poreske uprave i ne smije biti starije od dana objave ovog javnog poziva.</p>
9.	11.09. 2020.	<p>Poštovani, Firma XY koja se bavi preradom mlijeka želi da uradi/izgradi kanalizaciju za odvođenje otpadnih voda. Trenutno postoji septička jama u koju idu i sanitarno-fekalne, tehnološke-otpadne i oborinske vode. Sada je potrebno da se sve te vode razdvoje u posebne bazene, te da se ugrade prečistači za sanitarno fekalne vode, armirano-poliesterski hvatač masti za tehnološki otpadne vode i nabavka i ugradnja otvorenih slivnih kanala sa rešetkom za prihvat nezagađenih oborinskih otpadnih voda. Grubo rečeno radi</p>	<p>Ovaj javni poziv se odnosi na podršku investicijama u prerađivačke kapacitete i marketing poljoprivredno-prehrambenih proizvoda, te ima postavljene svoje opće i posebne uvjete koji su preduvjet za ocjenu investicije koja mora biti na listi prihvatljivih investicija. U vašem konkretnom slučaju to bi bila prihvatljiva investicija jer se radi o kanalizacijskoj mreži, a ne o objektu kao što je to opisano u tački 2.1.4. Izgradnja objekata za preradu mliječnih prerađevina, tretman otpadnih voda, upravljanje otpadom i prevenciju zagađenja vazduha. Međutim kao što smo ranije naveli bitno je da ispunjavate opće i posebne kriterije. Vaša investicija doprinosi integraciji</p>

		<p>se iznova kanalizacija. Da li je ovo prihvatljiv trošak/investicija po ovom pozivu? Unaprijed hvala. LP</p>	<p>elemenata zaštite okoliša u poslovanju u skladu sa ciljem javnog poziva: Promovisanje dobrih praksi i održivog razvoja putem poboljšanja upravljanja prirodnim resursima, zaštite okoliša, zaštite radnika i sigurnosti hrane. Što se dodatne vrijednosti tiče, vaša mljekara se bavi dodavanjem vrijednosti mlijeka i morate opravdati investiciju kroz poslovanje Vaše mljekare.</p>
10.	11.09. 2020.	<p>Poštovani, Pod tačkom 2.2 -Radna biografija podnosioca prijave - u poslovnom planu. Da li podrazumijevate radnu biografiju direktora preduzeća kao ovlaštenog lica koje nastupa u ime aplikanta-podnosioca prijave ili pregled razvoja preduzeća kao aplikanta-podnosioca prijave? Zahvalni.</p>	<p>Misli se na radnu biografiju poduzeća, odnosno pregled njegovog razvoja.</p>
11.	14.09. 2020.	<p>Poštovani, Nadovezujem se na našu komunikaciju sa još par pitanja. 1. Vezano za potrebnu dokumentaciju pod rednim brojem 19. Lista dugotrajne imovine obrta/preduzetnika, preduzeća, ili zadruga ovjeren od strane ovlaštenog računovođe – ovjerena kopija; Pitanje: - da li je potrebna lista na 31.12.2019. ili novija lista? - da li lista dugotrajne imovine treba biti po vrijednosti ili samo lista bez vrijednosti? 2. Vezano za potrebnu dokumentaciju pod rednim brojem 21. Dokaz o kupljenim količinama sirovine sa domaćeg tržišta (dokaz: analitičke kartice ovjerene od strane ovlaštenog računovođe i/ili ugovori o kupovini; mogu se dostaviti i otkupni blokovi ukoliko su svrsishodni) – ovjerena kopija Pitanje: - analitičke kartice do 31.12.2019. ili npr. sa današnjim danom? Unaprijed zahvaljujem na odgovoru. S poštovanjem.</p>	<p>Dostavljate listu dugotrajne imovine obrta/preduzetnika, preduzeća, ili zadruga ovjeren od strane ovlaštenog računovođe – ovjerena kopija zaključno sa 31.12.2019. Ako dođe do nabavke osnovnih sredstava poslije 31.12. 2019. to se smatra kao investicija koja se desila poslije tog datuma i datuma javnoga poziva i morate ih prikazati u toku gotovine i bilansu stanja i u tabeli obračuna amortizacije i ekonomskom toku ako se radi u složenom poslovnom planu. Dokaz o kupljenim količinama sirovine sa domaćeg tržišta (dokaz: analitičke kartice ovjerene od strane ovlaštenog računovođe i/ili ugovori o kupovini; mogu se dostaviti i otkupni blokovi ukoliko su svrsishodni) – ovjerena kopija, dostavljate analitičke kartice do 31.12.2019. godine.</p>

12.	14.09. 2020.	<p>Poštovani u vezi javnog poziva Podrška Evropske unije konkurentnosti poljoprivrede i ruralnom razvoju u BiH-EU4AGRI, koji je objavljen 30.07.2020. imam sledeće pitanje:</p> <p>Prilikom podnošenja prijave na str. 21 i 22 navedena je sva potrebna dokumentacija koju je neophodno priložiti. Nas interesuje konkretno zadnja stavka pod brojem 26 -potvrda iz registra klijenata.</p> <p>Pretpostavljamo da se misli na potvrdu koju izdaje APIF nadležna poslovnicu podnosioca prijave, što naravno ima naša firma kao podnosilac prijave.</p> <p>Objekat u kom se obavlja djelatnost i u kom bi smjestili opremu koja je predmet investicije se vodi na ličnom imenu vlasnika firme. Znači objekat uzimamo u zakup te plaćamo mjesečnu zakupninu što bi naravno dokumentovali ugovorom o zakupu nad objektom. Nas interesuje da li je po ovom javnom pozivu potrebno priložiti i potvrdu iz APIF koja je na lično ime vlasnika objekta? Ako jeste da li bi ste prihvatili obrazloženje da mi to ne možemo obezbjediti jer vlasnik stanuje u Brčko Distriktu te s toga mu APIF Republike Srpske ne može izdati potvrdu iz registra klijenata na lično ime. Znači za firmu imamo potvrdu iz APIF-a jer se nalazi na teritoriji Republike Srpske, a na lično ime vlasnika firme i objekta nemamo. Nadam ste da ste razumjeli naše pitanje.</p>	<p>Potvrda iz registra klijenata se izdaje u općinama u entitetu FBiH ili u APIF-u u RS entitetu u odjeljenjima gdje se izadju potvrde o registraciji poljoprivrednih gazinstva i klijentata. Potvrde o registru klijenata se izdaju prilikom apliciranja na podsticije koje dijele ministarstva poljoprivrede entiteta ili kantona. Potvrde se dobiju u u kratkom roku kod pomenutih nadležnih institucija (općina ili APIF).</p> <p>Ukoliko smo dobro shvatili podnosilac prijave i vlasnik objekta od kojeg se objekt iznajmljuje ne dolaze iz istog entiteta odnosno, nadležnost za izdavanje potvrda iz registra klijenata imaju različite institucije? Vi kao podnosioc prijave dostavljate potvrdu iz registra klijenata koju vam izdaje APIF ako ste registrirani u RS-u ili odjeljenje za poljoprivredu Brčko Distrikta (BD) ako ste registriani kao kompanija u BD. Ako nismo dali adekvatan odgovor na vaše pitanje molim vas da nam ponovno pošaljete preciznije pitanje.</p>
13.	14.09. 2020.	<p>Poštovani,</p> <p>Vezano za poziv EU4Agri mi smo u pripremi poslovnog plana, međutim, za investiciju koja je predmet apliciranja prikupljamo ponude iz inostranstva. S obzirom da se radi o specifičnoj opremi, ograničen je broj ponuđača i imamo problem oko dobijanja ponude u roku određenom za podnošenje aplikacije. S obzirom da je u posljednjem setu objavljenih pitanja i odgovora bilo riječi o mogućnosti produženja roka, naše pitanje se odnosi da li će se rok produžiti kako ste naveli u svom odgovoru.</p> <p>Srdačan pozdrav.</p>	<p>Krajnji rok za dostavljanje aplikacije sa poslovnim planom i ostalom potrebnom dokumentacijom je 30.09.2020. kako je i navedeno u smjernicama javnog poziva i neće biti pomjeranja roka za podnošenje prijave.</p>

14.	14.09. 2020.	<p>Poštovani,</p> <p>1. Preduzeće ima više djelatnosti. Usljed promjene tehnologije i automatizacije i digitalizacije pogona, preduzeću je potreban drukčiji profil radnika. Ukoliko preduzeće zaposli nove radnike, a dio postojećih radnika iz predmetne poslovne jedinice koja je iz prihvatljivog podsektora ovog EU4Agri poziva (prerada pšenice) rasporedi na druge poslovne jedinice u okviru preduzeća koji nisu iz prihvatljivih podsektora, kako se računa i ocjenjuje broj novih radnika. Dakle, na nivou kompletnog preduzeća broj radnika bi se broj povećao, ali na nivou prihvatljivog podsektora, ovo povećanje nebi bilo toliko značajno.</p> <p>2. Sledeće pitanje odnosi se na izračun amortizacije. Ukoliko se u preduzeću oprema, a naročito vozila koriste za više djelatnosti, da li je prihvatljivo prikazati samo dio amortizacione stope koja se konkretno odnosi na opremu i njeno korištenje za prihvatljiv pod-sektor za koji se aplicira. Hvala i srdačan pozdrav.</p>	<p>Boduju se samo zadržani i novozaposleni radnici koji su aktivni u prihvatljivim sektorima i koji se prikazuju u poslovnom planu kroz koji se opravdava investicija koja je predmet prijave i to samo u prihvatljivim aktivnostima.</p> <p>Potrebno je prikazati samo dio amortizacije stalnih sredstava koji se odnosi na prihvatljive djelatnosti. Npr. u slučaju ako se auto koristi 50% za prihvatljive djelatnosti, a 50% se koristi za druge djelatnosti u tom slučaju treba prikazati samo 50% amortizacije. Dolje u tabeli treba obračunati amortizaciju i u pisanom dijelu poslovnog plana treba obrazložiti i argumentovati ako se radi o takvoj situaciji.</p>
15.	15.09. 2020.	<p>Poštovani</p> <p>Posjedujem 20 košnica pčela pa me interesuje kako se može dobiti finansijski poticaj za kupovinu pčelarske opreme. Košnice s pčelama su stacionirane u kantonu Sarajevo, tačnije u Semizovcu.</p>	<p>Ovaj javni poziv se odnosi za mjeru podrške investicijama u prerađivačke kapacitete i marketing poljoprivredno-prehrambenih proizvoda sa unaprijed definiranim pod-sektorima, gdje pčelarstvo nije uključeno.</p> <p>Molimo vas da pratite našu službenu stranicu gdje objavljujemo sve javne pozive (https://eu4agri.ba/) i gdje se na vrijeme možete informirati o budućim mjerama podrške.</p>
16.	15.09. 2020.	<p>Poštovani,</p> <p>U toku je izrada svih planova i projekcija za prijavu na Javni poziv Podrška Evropske unije konkurentnosti poljoprivrede i ruralnom razvoju u BiHEU4AGRI, pa s tim u vezi imamo određene upite.</p> <p>S obzirom da se firma, pored prerade voća i proizvodnje džemova, ima i druge pogone koje se tiču sirovina za pekarstvo, čokoladni pogon... itd. zanima nas da li u izvještajima npr. tabela 2a, za finansijski izvještaj, prodaju, plan, zaposlene itd. radimo ZBIRNO, kompletan bruto bilans ili samo izdvajamo za pogon koji se bavi preradom voća? Unaprijed hvala na ljubaznom pojašnjenju.</p>	<p>U vašem slučaju morate prikazati samo prihvatljive sektore prerade odnosno prerada voća kako za ocjenu baznu godinu tako i za opravdanje investicije kroz poslovni plan. Pekarstvo i čokoladni pogon ne možete uzimati u obzir prilikom pravađanja investicije kroz poslovni plan, uključujući ocjenu bazne godine 2019. (sve u skladu sa poglavljem 4 korak 2 kontrola i ocjena poslovnih planova, te u skladu sa Uputstvom u Excel tabeli poslovnog plana redak 18.).</p> <p>Dakle u prihodima i rashodima, projekciji radnika, u bilansu stanja, ekonomskom toku, itd., ne možete uvrstiti neprihvatljive sektore (pekarstvo i prerada čokolade).</p>

17.	15.09. 2020.	Poštovani, Zahvaljujem na odgovoru. Nisam dobio odgovor na pitanje: Da li lista dugotrajne imovine treba biti iskazana vrijednosno ili ne? Jos jednom hvala.	Lista dugotrajne imovine treba biti iskazana i vrijednosno.
18.	15.09. 2020.	Poštovani, moja nedoumica je bila što nisam shvatila da li trebamo poslati obje potvrde iz registra klijenata. Jednu za firmu koja je podnosilac prijave, koja se nalazi na teritoriji Republike Srpske (koju izdaje APIF RS), i drugu na lično ime vlasnika firme koji stanuje u Brčko Distriktu. Vlasnik firme stanuje u Brčko Distriktu. Sva imovina i firma koja obavlja djelatnost i koja je podnosilac prijave su na teritoriji Republike Srpske. Nadam se da ste me sada razumjeli.	Dostavljate potvrdu iz registra klijenata pravnog lica, odnosno podnosioca prijave prema mjestu registracije pravnog lica.
19.	15.09. 2020.	Poštovani, Želio bih samo pojasniti, da podnositelj zahtjeva cjelokupnu proizvodnju prodaje sestrinskoj firmi koja vrši daljnju prodaju i distribuciju svih njihovih proizvoda i podnositelj zahtjeva nema više nikakvih troškova vezano za taj proces. Proizvodi se fakturiraju fco skladište proizvođača, a svi troškovi prijevoza i daljnje distribucije robe spadaju u poslovanje sestrinske firme. U svakom slučaju ćemo opisati kako taj proces izgleda i priložiti ugovor o suradnji, samo je nejasno trebamo li prikazivati i te troškove u poslovnom planu obzirom da knjigovodstveno ne pripadaju firmi podnosioca zahtjeva i ni na koji način ne utječu na poslovanje firme podnosioca zahtjeva? Oprostite na ponavljanju pitanja, ali želio bih biti siguran da smo se ispravno razumjeli. Drugo pitanje je vezano za mogućnost grupiranja stavki u tabelama za prikaz zbog velikog broja zapisa i bolje preglednosti. Npr, popis stalnih sredstava na obračunu amortizacije sadrži preko 700 stavki, ili pregled troškova ulaznih materijala sadrži preko 300 zapisa, s tim da se nekonsolidirane tabele dostave u elektronskom obliku na USB-u?	Koliko smo razumjeli da sestrinska firma vrši distribuciju proizvoda bez naknade. Sestrinska firma će zasigurno imati troškove koji nastaju prilikom distribucije proizvoda od strane Vaše firme te se pretpostavlja da će cijene prema sestrinskoj firmi biti manje za troškove distribucije. Preporučujemo da za ovakav aranžman trebate uz prijavu dostaviti i sporazum, ugovor ili slično koji dokumentuje da sestrinska firma vrši distribuciju vaših proizvoda i na koji način. Također u sekciji analize tržišta opisnog djela poslovnog plana trebate dobro obrazložiti i dokazati da su vaše cijene prema sestrinskoj firmi niže nego tržišne ili cijene istih proizvoda koja konkurencija nudi na tržištu. U glavnim tabelama možete grupisati stavke ako nije pregledno, a ako vaš računovodstveni sistem omogućava da štampate i priložite te stavke detaljno za baznu godinu 2019. i uz poslovni plan, onda priložite. Ukoliko budu potrebne bilo koje detaljne informacije prilikom ocjene poslovnih planova komisija za odabir će od vas tražiti dopunu.

20.	16.09. 2020.	<p>Poštovani u vezi aktuelnog javnog poziva objavljenog 30.07.2020. Podrška Evropske unije konkurentnosti poljoprivrede i ruralnom razvoju u BiH-EU4AGRI zanima me sledeće: na strani 20 pod tačkom 2.8.3. navedeno je šta sve ponuda ili predračun treba da sadrži.</p> <p>Da li je dovoljno da izjava dobavljača o tačnosti ponude bude ovjerena samo od strane dobavljača ili izjava mora biti ovjerena kod nadležne institucije za ovjeru dokumenata (opština, notar).</p>	<p>Dovoljno je da ponuda bude potpisana i ovjerena od strane ponuditelja. Nije potrebno takvo ponudu ovjeravati u notarskom uredu ili u općini.</p>
21.	16.09. 2020.	<p>Poštovani,</p> <p>U ime društva XY d.o.o. obraćamo Vam se za pojašnjenje poziva za projekat Podrška EU konkurentnosti poljoprivrede i ruralnom razvoju BiH-EU4AGRI.</p> <p>Pojašnjenje se odnosi na to da li mi možemo biti aplikanti odnosno da li možemo biti korisnici bespovratnih sredstava za mjeru podrške investicijama u prerađivačkim kapacitetima i marketingu poljoprivredno-prehrambenim proizvodima.</p> <p>Našoj firmi osnovna djelatnost je trgovina. Pored toga firma ima i svoju robnu marku pod kojom pakira poljoprivredne proizvode, odnosno voće i povrće. Od voća pakiramo, šumske plodove, višnje, jagode i maline koje se proizvode u BiH.</p> <p>Povrće (grašak, mahuna, mrkva, brokula, špinat kao i mješavine istih) uvozimo iz Srbije i pakiramo ih te ih plasiramo na tržište Bosne i Hercegovine.</p> <p>Kapacitet današnje pakirnice je 1,5-2 t dnevno odnosno oko 3.000 pakiranja dnevno.</p> <p>Firma je osnovana 1989. godine, imamo 40 maloprodajnih objekata koji se nalaze u Posavskom, Tuzlanskom i Zeničko-dobojskom kantonu te u Brčko distriktu i Republici Srpskoj. Firma broji oko 340 uposlenih od čega 4 osobe rade na navedenim poslovima.</p> <p>Promet društva u 2019. godini je 50 miliona maraka, a promet proizvoda voća i povrća iznosi oko 1,5 miliona odnosno oko 3%.</p>	<p>U prethodnim pitanjima i odgovorima smo odgovorili i objasnili šta se podrazumjeva pod preradom: to je proces transformacije svježih poljoprivrednih proizvoda i prerađenog proizvoda u prehrambene proizvode (sušenje, smrzavanje, cijeđenje, pasterizacija, sterilizacija fermentacija itd.).</p> <p>Dakle proizvod mijenja oblik, okus, obim, svojstva itd. Pakovanje svježih, ili smrznutih i suhих itd. poljoprivrednih proizvoda ne može se uvrstiti u preradu u skladu sa pravilima ovog javnog poziva proizvođačima, a poslovanje takvih proizvoda se svrstava po našim pravilima u trgovinu koja nije predmet javnog poziva.</p>

		<p>Ideja nam je ovim projektom prijaviti rekonstrukciju postojećeg objekta i nabavku nove pakirnice i opreme za pakiranje koja bi znatno povećala plasiranje navedenih proizvoda na tržište i povećanje broja zaposlenih.</p> <p>Molimo Vas da nam odgovorite kako bi mogli nastaviti aktivnosti na pripremi aplikacije.</p>	
22.	16.09. 2020.	<p>Poštovani,</p> <p>Imam pitanje u vezi prihvatljivih investicija u sklopu javnog poziva EU4AGRI, naime naš projekat se zasniva na unapređenju i poboljšanju procesa proizvodnje, te je jedna od naših potencijalnih investicija između ostalog "žičara" tako da se izrazim, koja se sastoji od sajle koja će biti postavljena na kavezima pa do ulaza u pakeraj za ribu na kojoj će biti pričvršćena kanta/cisterna u kojoj će biti riba, a realizacija će uključiti bravarske i zemljane radove, a kako smo mi razumjeli da je to pod 5.2.1 oprema za prihvat primarne sirovine, jer je naš primarni proizvod riba, da li je prihvatljivo i da li ovu investiciju možemo uključiti u cjelokupni projekat?</p> <p>Hvala vam unaprijed</p>	<p>Ukoliko se Vaše preduzeće bavi preradom riba, a ne samo pakovanjem i prodajom svježih riba, predložena investicija ili kako ste objasnili "žičara" za prihvat riba je prihvatljiva investicija i spada u opremu za prihvat riba.</p>
23.	16.09. 2020.	<p>Poštovani,</p> <p>Potrebno mi je pojašnjenje u svezi dokumentacije kojom se dokazuje otkup sirovine na domaćem tržištu.</p> <p>U dijelu 3.1 točki 21. u smjernicama za prijavu na natječaj navedeno je da se kao dokaz mogu priložiti jedna od tri vrste dokumenata:</p> <ul style="list-style-type: none"> - Analitička kartica (ovjerena od strane ovlaštenog računovođe) - Ugovor - otkupni blok (ako je svrsishodno) <p>Na kraju je navedeno da se dostavlja ovjerena kopija za dokumente iz te točke.</p> <p>U slučaju podnositelja prijave za kojeg pripremamo dokumentaciju, analitička kartica je ispis iz računalnog sustava iz kojega su vidljive informacije o količinama otkupljenog mlijeka, njegovoj kvaliteti i isplaćenju sumi za sve kooperante i za svaki mjesec u 2019 godini, koji bi</p>	<p>Potrebno je dostaviti samo jednu vrstu dokumenata (otkupni blok ili analitičku karticu). Ugovor nije dovoljan dokaz da ste otkupili sirovinu, a preporučujem da dostavite analitičku karticu ovjernu od strane računovođe. U tom slučaju dostavite original tako da ne morate ovjeravati dokument u općini ili kod notara.</p>

		<p>ovlašteni računovođa ovjerio svojim potpisom i pečatom na svakoj ispisanoj stranici.</p> <p>Moje pitanje je ima li potrebe taj dokument dodatno kopirati i ovjeravati u općini ili kod notara ili ga možemo dostaviti kao dokaz u originalnom obliku (ispis kojemu je svaka stranica ovjerena od strane ovlaštenog računovođe)?</p> <p>Lijepi pozdrav,</p>	
24.	17.09. 2020.	<p>Poštovani,</p> <p>Ukoliko se preduzeće bavi proizvodnjom i preradom voća, ali i nekih drugih kultura, a projekat za koji aplicira se odnosi na sektor voćarstva, da li se u dijelu u kojem se unose ukupni prihodi, plan prodaje, ili bilans uspjeha unose svi prihodi i troškovi koje preduzeće ostvaruje u toku poslovne godine, ili samo oni koji se odnose na sektor voćarstva?</p> <p>S poštovanjem,</p>	<p>Prikazujete prihode, plan prodaje, bilans uspjeha, troškove i slično samo za sektore koji se odnose na vašu investiciju pod uvjetom da su prihvatljivi prema pravilima javnog poziva.</p> <p>To vrijedi i za ocjenu bazne godine 2019 u skladu sa poglavljem 4 korak 2 smjernica javnog poziva.</p>
25.	17.09. 2020.	<p>Poštovani,</p> <p>Kompanija je zainteresovana za subvenciju troškova po konkursu. Bavimo se otkupom i skladištenjem jagodičastog voća (maline, kupine, jagode), pakovanjem proizvoda koji se dalje izvozi, ili kao gotov polu-prerađen zapakovan proizvod, pušta u promet u trgovinske objekte. Namjeravamo konkurisati za subvenciju za nabavku Tomra Sorting- uređaj za sortiranje jagodičastog voća kako bi se podigla efikasnost i lakše omogućilo klasiranje proizvoda od jagodičastog voća za različite namjene i eventualno stvaranje uslova za dalje investicije u prerađivački kapacitet. Da li je kompanija prihvatljiv kandidat u smislu djelatnosti i projektnog prijedloga?</p>	<p>Ako Vaše preduzeće ima šok komoru za zamrzavanje jagodastog voća i namjerava da se prijavi za nabavku linije za sortiranje zaleđenog jagodastog voća, a da pri tome ispunjavate i druge opće i posebne uslove javnog poziva onda se možete prijaviti na javni poziv. Zamrzavanje voća i jagodastog voća se smatra preradom u skladu sa pravilima javnog poziva.</p>
26.	17.09. 2020.	<p>Poštovani,</p> <p>Naša kompanija je zainteresovana za subvenciju troškova po konkursu. Bavimo se otkupom i skladištenjem jagodičastog i ostalog voća i gljiva kao i izvozom polupreradenih proizvoda od gljiva, ali i proizvodnjom, pakovanjem i prodajom džemova i marmelada. Namjeravamo proširiti djelatnost proizvodnjom sokova od voća – konkretno investicijom u automatsku punilicu za sokove i druge hladne napitke poput sirćeta, adaptacijom</p>	<p>Prema opisu vašeg poslovanja i prema predloženoj investiciji možemo reći da ste prihvatljivi. Obzirom da gljiva i proizvodi od gljive nisu prihvatljivi u skladu sa pravilima javnog poziva, prilikom ocjene bazne godine morate oduzeti sve stavke koje se tiču onih pod-sektora koji nisu prihvatljivi iz Vaših bilansa (bilans stanja i bilans uspjeha), i to u skladu sa poglavljem 4 korak 2 smjernica javnog poziva. Isto morate uraditi pilikom izrade poslovnog plana za opravdanje investcije u skladu sa redkom 18 uputstava Excel poslovnog plana.</p>

		<p>dijela postojećeg prostora uvođenjem klimatizacije i oblaganjem panelima dijela hale u kom će biti pogon punionice, i zamjenom dotrajalog parnog kotla za pasterizaciju koji bi se koristio kako za pasterizaciju sokova tako i u postojećoj proizvodnji džema.</p> <p>Da li je kompanija prihvatljiv kandidat i da li su sve tri investicije prihvatljive? U skladu sa uslovima konkursa se čini da jesu.</p>	
27.	18.09.2020.	<p>Poštovani,</p> <p>Pišemo Vam u vezi sa PRVIM EU4AGRI JAVNIM POZIVOM, koji je objavljen na Vašoj stranici, sa rokom prijava do 30.09.2020.godine.</p> <p>Imajući u vidu da se radi o kompleksnom biznis planu i detaljnoj dokumentaciji koju treba spremi za ovaj poziv, te da je poziv objavljen u vrijeme trajanja godišnjih odmora za radnike i u vrijeme borbe sa tržišnim posljedicama uzrokovanim COVID19, molimo Vas da produžite krajnji rok prijava za 30 dana.</p> <p>Smatramo da je u interesu i ostalih aplikanata da se rok produži, budući da se radi o veoma bitnoj podršci, te da je uobičajeno vrijeme godišnjih odmora za sve kompanije mjesec august.</p>	Krajnji rok za podnošenje prijave je 30. septembar 2020. godine do 17:00 sati i rok se neće produžavati.
28.	18.09.2020.	<p>Poštovani,</p> <p>Obraćamo Vam se ispred preduzeća XZ doo, vinarija XZ koja se bavi proizvodnjom vina.</p> <p>S obzirom da smo u ovom periodu zaokupirani berbom grožđa koja iziskuje napor i vrijeme, značilo bi nam pomjerenje roka za dostavljanje projekta za EU4Agri Javni poziv. Da li je to možda moguće?</p> <p>Unaprijed zahvalna.</p> <p>Srdačan pozdrav</p>	Krajnji rok za podnošenje prijave je 30. septembar 2020. godine do 17:00 sati i rok se neće produžavati.
29.	18.09.2020.	<p>Poštovanje ,</p> <p>Ne znam da li sam na pravoj adresi ali ako može info da li postoji trenutno neki projekat za samozapošljavanje tj. pokretanje malog biznisa poput prirodne kozmetike i ručno rađenih sapuna. Unaprijed zahvaljujem na odgovoru.</p> <p>Lp</p>	Svi javni pozivi koje provodi EU4AGRI projekt se oglašavaju na našoj službenoj web stranici https://eu4agri.ba/ . Oni imaju jasno definirana pravila (opće i posebne uvjete) koje moraju ispuniti podnosioci prijave kako bi bili prihvatljivi. Trenutno imamo otvoren Javni poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing

			poljoprivredno-prehrambenih proizvoda. Ovaj javni poziv ne uključuje sektor za koji ste imali upit.
30.	21.09. 2020.	<p>Poštovani,</p> <p>Javljam se u ime firme XY, mesne industrije u BiH.</p> <p>Naime, zainteresovani smo za apliciranje na Vaš aktualni javni poziv Eu4Agri. Imamo interesantan projekat koji bi nam jako puno pomogao u samom poslovanju, a smatramo i da navedeni projekat zadovoljava sve Vaše kriterije iz smjernica javnog poziva.</p> <p>Već smo uradili dosta posla oko same aplikacije. Međutim, imamo problema oko pribavljanja ponuda i elaborata, prije svega iz razloga korištenja godišnjih odmora u firmama dobavljačima opreme, gdje iz tih razloga nisu u mogućnosti iste na vrijeme dostaviti.</p> <p>Takođe je i situacija sa Covid-19 pandemijom dodatno usložila i usporila cjelokupna poslovanja, korespodenciju i komunikaciju, onemogućene su posjete i poslovni sastanci itd.</p> <p>Zaista bi nam bilo žao da budemo uskraćeni za adekvatnu aplikaciju zbog okolnosti na koje jednostavno u ovom trenutku ne možemo uticati.</p> <p>S toga, još jednom Vas molimo da ovu našu molbu za prolongiranje roka prijave uzmete u razmatranje.</p> <p>U nadi i želji da ćete pozitivno odgovoriti na ovu našu molbu, srdačno Vas pozdravljamo.</p>	Krajnji rok za podnošenje prijava je 30. septembar 2020. godine do 17:00 sati i rok se neće produžavati.
31.	20.09. 2020.	<p>Poštovani,</p> <p>Ukoliko se preduzeće bavi proizvodnjom i preradom voća, ali i nekih drugih kultura, a projekat za koji aplicira se odnosi na sektor voćarstva, da li se u dijelu bilansa stanja prikazuje stanje koje uključuje i kulture koje nisu obuhvaćene pozivom, niti projektom?</p>	U bilans stanja prikazujete samo prihvatljiv sektor odnosno prihvatljivu investiciju za preradu koju prijavljujete.

		<p>Da li se u bilans stanja 2019.godine unose podaci iz finansijskih izvještaja ili se podaci koriguju samo na djelatnost na koju je projekat usmjeren? S poštovanjem.</p>	
32.	21.09. 2020.	<p>Poštovani, Mljekarska kompanija priprema dokumentaciju za prijavu po Javnom pozivu u Projektu „Podrška Evropske unije konkurentnosti poljoprivrede i ruralnom razvoju u Bosni i Hercegovini“ – EU4AGRI. S tim u vezi, predlažemo da se rok za podnošenje Prijava produži i nakon 30.09.2020. godine, obzirom da ćemo teško uspjeti do ovog roka pripremiti svu dokumentaciju. Naime, obzirom da je u proteklom periodu tokom trajanja pandemije virusa COVID-19 dosta poslovnih aktivnosti bilo obustavljeno ili otežano izvršenje, imamo poteškoća sa prikupljanjem ponuda za opremu obzirom da je sva oprema za mljekarstvo iz inostranstva. Dalje poteškoća smo imali i prilikom prikupljanja dokumentacije od nadležnih državnih institucija, a zbog poznatih razloga sa pandemijom. Kada tome svemu dodamo i činjenicu da je vrijeme godišnjih odmora iza nas, onda se naša molba za produženje roka za dostavu dokumentacije smatra još više opravdanom. Nadamo se da ćete uvažiti naše razloge i ostaviti dodatni rok za podnošenje prijava u Projektu „Podrška Evropske unije konkurentnosti poljoprivrede i ruralnom razvoju u Bosni i Hercegovini“ – EU4AGRI. Srdačan pozdrav!</p>	<p>Krajnji rok za podnošenje prijava je 30. septembar 2020. godine do 17:00 sati i rok se neće produžavati.</p>
33.	21.09. 2020.	<p>Poštovani, Preduzeće smo koje se bavi proizvodnjom i preradom voća. Plan je da apliciramo za navedeni javni poziv. Projekat, koji pišemo, se odnosi na opremanje hladnjače za održavanje svježine i kvaliteta voća potrebnom rashladnom opremom. Da li je predmet projekta prihvatljiv za ovaj javni poziv?</p>	<p>U skladu sa poglavljem 2.8.1. Prihvatljive investicije i troškovi vaša investicija je prihvatljiva.</p>